

in ghedenckenisse dijner ewigher
 mynne en bittere passien en ghe
 uest dat selue sacrament myt di
 nen hillighen handen en mit gro
 ter begheerten der deuocien al di
 nen discipule toe eten. **Van dat w
 wasschen der voeten en va dat les**

O here Jesu chre te sermoen.

hillighe der hillighen ick
 loue en dancke dy voer dat alre
 meeste exempel dijner dieper oet
 moedich^t dattu ons ghelaten he
 uest om nae toe volghen alstu o
 alre hillichste god dy gheweerdich
 ste myt dinen hillighen handen
 myt ghebugheden kneen toe was
 schen en toe kussen dijner armer
 oetmoedigher knechten voeten.
 en mytter seluer mynne wessche
 stu oeck dijns verraders voeten
 al was hye ondancher dijne wal
 daden en bleef in sijne boesheit